

四庫全書

史部

欽定四庫全書

史部

皇朝通志卷三十六  
七六

編修臣錢樾覆勘

總校官編修臣倉聖脉

欽定四庫全書

皇朝通志卷三十六

禮畧

臣等謹按自古帝王經國治世之典莫大於禮禮也者事神理人班朝治軍由仁孝誠敬之思以達於盡倫盡制之實治法所由大備也自有虞氏命典三禮成周始有吉凶軍賓嘉五禮之目漢唐以來規制畧存未臻大備兼筆紀載者亦無由上媿

隆古之規洪惟我

皇朝

聖

聖相承監古定制典章鴻懿超越萬代

皇上中和建極兼綜條貫自

郊

廟百神之祀朝覲燕饗之儀

闕武訓戎之政柔遠安藩之畧以至慎終追遠之典皆

本

聖神之極思創制顯庸盡美盡善其儀節之精詳已載  
於

大清會典

大清通禮中茲纂輯

皇朝通志禮畧惟謹繹規制之大者倣鄭樵通志體例  
登於卷中謹考鄭樵禮畧以吉嘉賓軍凶為序而  
所載皆漢唐以後之彌文如吉禮之明堂靈星老

君祠封禪歷代所尚葦茨桃梗高襟袂禊諸條嘉禮之三老五更賓禮之三恪二王後軍禮之輶祭祭馬祖凶禮之天子為大臣服至郡縣吏為守令服諸條皆一時所行之制不足垂為定範茲謹遵大清通禮成式五禮首吉次嘉次軍次賓次凶凡諸治神人而和邦國定損益而酌古今宏綱鉅目皆前代未有之隆儀為百王之矩範而於鄭志諸目之卑陋無稽為

聖朝已經裁革者則皆刪去其目並隨條加按聲明以  
示大經大法之所為立極並以誌體例之所由來  
焉

吉禮  
一

臣等謹按鄭志五禮首以吉禮二卷自郊天而下  
條目紛繁多述秦漢以來煩黷之制非盡古禮也  
我

朝

列聖以來釐定祭典精裡儼恪超越萬古自

南郊

北郊

太社

太稷以至於

天神

地祇之祀

太廟禘祭時享以及於



歷代帝王

先師孔子

羣神之典彛章明備著於

大清會典

大清通禮謹依次敘載述為吉禮六卷其鄭志所有諸  
條

本朝已經釐正者謹隨條附述案語於後以見盡善  
盡美之極制焉

南郊

臣等謹按

兩郊大祀典禮攸崇我

朝

列聖以來敬事

皇穹垂為成憲

皇上紹承祗適歲必躬親潔蠲將事積久益劬禮明樂  
備昭示萬年謹考典制之所自敬著於篇至每歲

親祀大典惟恭纂有關釐定者以符體例云

太祖高皇帝天命元年正月貝勒以下諸臣奉上

皇帝尊號立國建元行焚香告

天禮

天聰十年正月羣臣奉上

太宗文皇帝尊號是年建

園丘於

盛京德盛門外其制九成周圍一百十丈南門三東

西北門各一四月

太宗率王貝勒以下文武羣臣齋戒三日

親祀

南郊以太牢熟薦建國號曰大清改元崇德是為

本朝祀

天於郊之始十一月冬至大祀

天於

圜丘以將征朝鮮告是為冬至大祀

園丘之始七年冬至以

駐蹕納蘭遣官恭代齋戒如禮停止行獵

順治元年十月朔

世祖章皇帝定鼎燕京

親祀

南郊告祭

天

地即皇帝位是年定制每歲冬至大祀

天於

圜丘以

大明

夜明

星辰

雲雨風雷為四從壇配享每歲孟春以上辛日

祈穀於

圜丘凡祀

圜丘以冬至日子時

後定於黎明時

與孟春

祈穀均為大祀十一月冬至大祀

親詣行禮二年十月定

郊祀齋戒及設玉帛祝文香亭儀注三年四月設守視

天壇

地壇

社稷壇官員四年三月定大祀

南郊用胙牛之禮五年十一月冬至大祀

天於

圜丘奉

太祖高皇帝配享八年三月定祭祀齋戒例

南北郊祀

皇帝於大內齋宮致齋三日

壇內齋宮致齋一日四月定諸王文武羣臣陪祭扈從及

送

駕接



駕儀注六月定大祀祗牲省牲之制十三年七月定祭祀  
出宮時刻凡祭

圜丘

方澤於五鼓出宮禮部先期一日奏聞十四年正月辛亥  
祈穀於

上帝奉

太祖高皇帝配享三月特舉大祀奉

太宗文皇帝配享嗣後冬至

郊天上辛

祈穀並同十七年二月定

祈穀壇祀典用燔柴禮四月巳酉合祀

天

地

百神於

大享殿

臣等謹按

園丘之典

列祖以來躬親將事歲久益虔有紀載不能盡述者茲纂  
唯恭載首事之年及典制有所增定之歲餘不備

述

祈穀大祀

方澤大祀紀載體例並與此同焉

順治十八年正月

聖祖仁皇帝登極遣官告祭

昊天上帝尋以諸臣詳議祀典請罷禁中

上帝壇及

大享殿合祀從之十一月冬至大祀

親詣行禮

康熙六年十一月冬至大祀

天於

圜丘奉

世祖章皇帝配享九年正月辛丑

祈穀於

上帝奉

世祖章皇帝配享十二年八月定祭祀時刻  
壇

廟皆黎明行禮二十九年正月辛丑

祈穀於

上帝

御製祝文

親詣行禮四十六年十一月冬至大祀羣臣以天氣嚴寒  
請遣官恭代不許五十四年正月

祈穀於

上帝用下辛日先是祈穀例用上辛是年正月十日上辛  
尚未立春奉

諭旨以從前亦有用次辛下辛致祭者令諸臣議之乃以  
正月三十日下辛行禮五十七年十一月冬至大祀  
遣官恭代仍照常齋戒五十八年十一月冬至大祀

命親王恭代仍

親往瞻拜行禮奉

諭旨朕於祭祀之前升

壇瞻仰省視俎豆量力跪拜退處幄次俟恭代親王行禮

畢然後回宮諸臣覆奏

聖體違和初愈天氣嚴寒請停

親祭奉

諭旨朕必親往朕行禮不必贊禮作樂將朕親詣之處著

書於祝文內六十年十一月

**世宗**憲皇帝登極冬至大祀遣大臣恭代行禮

雍正元年十一月大祀

天於

圜丘奉

聖祖仁皇帝配享二年正月辛巳

祈穀於

上帝奉



聖祖仁皇帝配享七年正月

詔嚴

壇

廟演禮之禁部臣議奏凡祭祀執事等官當在凝禧殿演禮  
如有特加祭典先期於神樂觀演習從之八年正月

祈穀奉

諭旨以初二日上辛行禮停止朝賀筵宴十三年正月  
祈穀以初十日上辛尚未立春用次辛行禮九月

皇上紹登大寶逾三月後羣臣以祀典上請奉

諭旨大祀齋戒所以潔齊心志對越

神明朕意齋戒之日即當素服冠綴纓緯其視祝版亦當

照例用禮服以昭敬謹禮部遵

旨議上從之

乾隆元年正月

祈穀行禮如儀二年四月大祀

天於

圜丘奉

世宗憲皇帝配享先是禮部具儀奏上奉

諭旨爾部具奏

皇考配享

天壇儀注朕敬謹詳閱內稱配享時朕恭奉

神牌陞壇奉安於東三青幄次並未議及參拜

上帝之儀朕思升祔

太廟時先行參拜

列祖

列后禮然後陞座今配享

園丘亦應先行參拜

上帝禮然後陞座議政王大臣等遵

旨議上從之三年正月

祈穀於

上帝奉

世宗憲皇帝配享四年正月

祈穀用次辛日十一年正月

祈穀同十二年十一月定

郊壇大祀誓戒百官之制凡大祀於午門前宣誓戒陪祀  
之王公大臣官員朝服齊集聽行禮十二月定

郊壇大祀省視

神位及省視牲器之禮奉

諭旨

郊壇神主向藏

皇穹宇

皇祇室

皇乾殿考之唐開元禮先期升主陳設省視復收朕思因

省視而陳設

神主有違神道靜穆之義未協寅恭嚴事之忱應躬詣

皇穹宇

皇祇室

皇乾殿上香行禮分獻官詣配殿行禮肅將悃忱以申對

越著大學士會同該部詳悉定議并恭詣

壇廟後親視籩豆之處具儀以聞尋遵

旨具儀奏上如儀行禮十三年十一月冬至大祀用新

成祭器更定大駕鹵簿乘玉輅十四年五月

詔齋宮致齋勿鳴鼓角是月

詔修繕

兩郊壇宇展拓舊制十六年九月改

祈穀壇大享殿為

祈年殿門為

祈年門十九年大學士等奏午門外宣讀誓戒之禮令

各衙門恭錄

勅諭製牌收貯於致齋日恭設堂中隨時仰瞻其宣讀  
之儀請停止從之二十三年正月

祈穀用次辛日二十四年十一月冬至大祀以蕩平回部  
並告成功三十七年十一月冬至大祀舊制

皇帝詣



齋宮乘禮轎乾隆七年改定乘輦是歲以石街積雪  
鑾儀衛奏請仍舊例用禮轎從之先是大學士等遵  
旨議定

郊天儀注前一日

皇上詣

皇穹宇上香行禮畢即還

齋宮其眠神位眠壇位省牲器命原遣視牲大臣恭  
代行禮又議舊制

皇帝陞第一成位奠玉帛後卽復第二成拜位立以次進  
俎初獻讀祝亞獻三獻受福胙徹饌皆如之今議奏  
皇帝陞第一成位奠玉帛後卽就讀祝位以次進俎三獻飲  
福受胙畢始還第二成位行禮從之三十八年正月  
祈穀用次辛日先是大學士等議奏向例詣

齋宮皆於

祈年殿墀城門外降輦步入恭詣

皇乾殿上香瞻拜今議由西門步入行禮以節行陟之勞

從之四十二年正月

祈穀用次辛日四十四年十一月冬至大祀先是奉

諭旨南郊典禮最為繁重朕明歲即屆七旬雖拜跪尚  
可如常而精力究不免稍減恐過勞生憊轉非所以  
將誠意因思

正位晉獻香帛俎爵自當躬致申虔至

配位

列祖

列宗惟上香仍前親奉其獻爵進俎則命諸皇子恭代庶  
得少節煩勞以專心祿薦即自今歲冬至為始並

勅部臣載入會典

臣等謹按我

皇上凝承

昊眷恪謹

郊禋每歲

大祀必

躬親昭事禮儀隆備誠愨昭格乾隆三十七年始

命禮臣議定

郊天儀注三十八年行

祈穀禮於西垣門外降輦步行入蓋少節繁文益所以專精

對越時

聖壽已逾六旬

天眷純熙積久彌劬恭讀三十九年

諭旨有云朕臨御以來恒以敬

天報本為要不敢稍有怠惰凡

壇廟大祀必躬詣行禮自降輦以至成禮一切典禮必敬必誠四十年來未敢少有怠忽而一切禮儀宜盡之處靡不加增至三十七年朕年逾六十始勅大學士及該部將降輦步行之遠近及升降之無關鉅典者酌減一二蓋欲稍減步履之小節蓄養精力期於大典益致恪恭亦因朕年逾六旬始如此酌量節減所以益矢誠敬也萬世子孫其敬識朕意於諸大祀設

非年至六旬一切典章斷不可稍減倘蒙

上天眷佑年逾六旬方可遵朕現在所行舉行將此永著

為例

訓諭昭彰垂示萬世至四十四年奉

諭

南郊典禮最為繁重

正位晉獻自當躬致申虔

配位則命諸皇子恭代自是歲歲敬承

大祀劫毖益虔酌儀文之準致統一之思所由仰答

天心垂億萬年無疆之庥也臣等恭繹禮意謹誌因時定

制之義以昭

聖人誠恪事

天之大典焉

四十七年正月

祈穀先期奉

上諭今年正月初四日上辛朕以雍正七年



皇考諭旨因元旦朝賀不宜展祈穀之期於次辛行禮其  
乾隆己未丙寅戊寅丁酉四次用次辛者以詰

東朝慶賀儀節不宜有闕也今非向年可比宜謹遵

皇考明諭

祈穀仍用上辛自元旦即齋戒其朝正慶賀改用初五日  
行禮自

皇上御極以來

郊天祈穀之典歲必

躬親儼恪將事禮明樂備萬世法守其儀節並載

大清通禮

大雩

禱水旱附

國初定制歲遇水旱則遣官祈禱

天神

地祇

太歲

社稷至於

親詣

園丘即為大雩之義初立

天神壇於

先農壇之南以祀

雲師

雨師

風伯

雷師其西立

地祇壇以祀

五嶽

五鎮

四陵山

今為五陵山

四海

四瀆

京畿名山大川

天下名山大川皆因祈雨而修祀事義與雩同祈而

應則報祀如儀直省各令建壇致祭常雩祈報並  
循定制行禮

順治十四年四月

世祖章皇帝以旱禱於

圜丘率羣臣致齋三日禁屠宰不理刑名至期

皇帝素服詣

圜丘不設鹵簿不除道不奏樂不設

配位不奠玉飲福受胙餘行禮如常儀遣官致祭

方澤

社稷壇

神祇壇應時大雨越三日遣官行告謝禮十七年六月  
以久旱禱雨先期三日

世祖章皇帝步行詣

南郊齋宿是日早四際無雲頃之陰雲密布甘霖大霑越  
三日行祈祀禮於

園丘祭畢雨復降越四日遣官行告謝禮是時禮部奏請

修舉名山大川及古帝王聖賢祀典從之

康熙四年三月旱

命禮部遣官往泰山祈雨十年四月以旱禱雨

聖祖仁皇帝素服詣

壇致祭旋以甘霖霑足遣官告謝與順治十四年同十七

年六月

親祈雨於

園丘

聖祖仁皇帝自壇西門步行至

壇行禮時甘霖大霈仍步出壇西門乘馬回宮十八年四

月旱禱雨報謝如儀十九年四月旱禱雨報謝並  
如儀二十二年六月以亢旱

命建壇祈禱即日雨二十六年五月

親祈雨於

園丘

御製祭文祭畢



回鑾甘霖立降越日遣官告謝如儀二十八年六月

御製祭文遣官禱雨尋霽雨報謝如儀五十五年五月

駐蹕熱河以天旱減膳齋戒

諭京師虔誠祈雨越七日雨足始復常膳五十六年五月  
親祈雨於

圓丘是年冬

諭諸皇子及大臣等曰京師初夏每少雨澤朕臨御五十  
六年約有五十年祈雨每至秋成悉皆豐稔昔年曾因

暎早朕於宮中設壇祈禱長跪三晝夜日惟淡食不御鹽醬至第四日步詣

天壇祈禱油雲忽作大雨如注步行回宮水滿兩鞞衣盡沾濕後各省人至始知是日雨徧天下又

諭曰天行不齊多賴人事補救朕倉有餘粟帑有餘金隨時隨地皆可賑濟故雖逢旱歲亦不能為災也

雍正元年五月旱

世宗憲皇帝減膳虔禱甘霖立霽二年二月

親詣黑龍潭祈雨越數日

親祭

歷代帝王廟甘雨大霽羣臣衣盡沾濕各加

恩賜

御製喜雨詩羣臣恭和自此至十三年偶值亢旱無不齋居虔禱精誠感應歲獲豐登

乾隆二年六月以亢旱遣官致祭

天神

地祇

太歲各壇及

四海之神七年五月增

神祇壇祈雨樂章八年四月始行常雩禮於

圜丘先是御史徐以升奏請於京城之內擇地建立雩壇

倣古龍見而雩之禮

勅下禮臣詳議尋議奏益夏龍見擇日行常雩禮祀

昊天上帝於

圜丘奉

列聖配享

四從壇從祀於下孟夏後旱則祈

天神

地祇

太歲壇次祈於

社稷壇次祈於

太廟皆七日一祈旱甚乃大雩祀

昊天上帝於

圜丘雨足則報祀其以前望祭四海之禮可以停止疏上  
從之九年四月大雩於

圜丘奉

諭旨目下畿輔雨澤愆期此次舉行雩祭正望恩迫切  
之時非每夏常雩可比其先期前詣齋宮及祭畢回  
鑾朕俱御常服不乘輦不設鹵簿不作樂以示虔誠  
祈禱為民請命之意二十四年四月常雩

皇上步行親詣行禮五月

皇上步禱

社稷壇六月大雩於

園丘

御製祝文步詣行禮越日大雨霑足報謝如儀自乾隆  
八年以來孟夏常雩皆

躬親行禮惟

巡幸之歲遣官恭代自三十七年遵

旨議定

郊天儀注三十八年以後

常雩行禮並同偶值水旱精誠致禱雨暘立應祈祀報謝  
皆如常儀焉

朝日夕月

順治八年六月定春分秋分朝

日夕

月之禮初定祀典以日月從祀



天壇罷春秋二分祀事至是禮臣請照舊典於從祀

天壇外立

朝日壇於朝陽門外東郊立

夕月壇於阜成門外西郊從之凡祀

日

月為中祀祀

朝日壇以春分日卯時值甲丙戊庚壬年

皇帝親詣行禮餘年遣官承祀祀

夕月壇以秋分日酉時值丑辰未戌年

皇帝親詣行禮以

北斗七星

木火土金水五星

二十八宿周天星辰共為從壇

列聖以來春秋二分皆

親詣遣官致祭如儀

乾隆三年二月朝

日於東郊

皇上親詣行禮八月秋分夕

月於西郊先是奉

諭旨今歲

夕月壇舊例係遣官之年但朕即吉之後初次舉行朕親詣行禮以展誠敬十一年二月春分

皇上親祭

朝日壇以次日日食不乘輦不設鹵簿不奏樂自是皆

親詣及遣官致祭如儀

臣等謹按鄭志朝日夕月之後有明堂一門八蜡  
之後有靈星一門考明堂之制始於成周歷代有  
之而制度迄莫能定漢儒所述大戴禮白虎通蔡  
邕之說制度已各不相符朱子謂郊者古禮明堂  
者周制周公以義起之則其不必循行於後代可  
知我

朝

南郊大祀

列聖配

天極尊崇之鉅典明堂之制不復建立洵為超軼前古矣  
自漢立靈星祠祀主天田配以后稷蓋即祈穀之  
意哉

朝定制列星為

圜丘配位后稷為

太稷配位孟春

祈穀歲必

躬親春秋

社稷以祈以報靈星之祀誠無事於複舉也以上二條  
謹從刪

八蜡臘

臣等謹按鄭志有八蜡臘一門考八蜡之祭元明  
以來久停其制

本朝有以舉行蜡祭請者奉

皇上諭旨詳晰指示不必舉行蓋祈報之典已詳舉於  
各  
壇廟中停止蜡祭示無瀆也今謹載

諭旨於篇中以見酌古準今折衷盡善之定制焉

乾隆十年十二月

諭大學士等國家崇報之文明裡肇薦考議周詳凡祀  
典所關羣神咸秩即如雩祭諸禮事繫農桑近復議  
行有舉無廢皆以為民也邇年以來諸臣工每以蜡

祭為請朕追惟舊制酌古準今有宜於詳慎者考大  
蜡之禮昉於伊者三代因之所以報萬物之成也雖  
詠於詩詳於禮記周官而古制夙遠傳注叅錯難以  
折衷所謂八蜡配以昆蟲後儒謂其害稼不當與祭  
月令祈年於天宗蜡祭也註曰日月星辰則所主又  
非八神至所謂合聚萬物而索饗之其神甚多尤難  
定位且蜡與臘冠服各殊有謂臘即蜡者有謂蜡而  
後臘者是古制已不可考終無定衡至於後世自漢



臘而不蜡此禮已湮魏晉以來迄於唐宋時行時止  
或溺於五行之說甚且天帝人帝及於龍麟朱鳥多  
至百九十二座議者以為失先王之禮遠矣蘇軾曰  
迎貓則為貓之尸迎虎則為虎之尸近於倡優所為  
是以子貢觀於蜡言一國之人皆若狂以其沿習日  
久迹類於戲也蓋祀於南郊已不合於古制而蜡于  
四郊則惟順成之方始祭較量區別叢雜瑣細於義  
有乖於禮未洽於神為褻自元明以來停止此典實

有難於舉行之處况蜡祭諸神如先嗇司嗇日月星辰山林川澤今皆祀於各壇廟原於典文無關即民間秋成之後休息農功祀神報賽大抵借蜡之遺意以盡其間并歡洽之情猶有吹豳擊鼓之風亦皆聽從民便未嘗禁止是蜡祭原行於民間但田夫草處雜以嬉戲各隨其鄉之風尚初不責以儀文若朝廷議祀潔蠲虔享必嚴肅整齊何至有一國若狂之論可知此祭即古亦閭閻相沿之舊俗詎可定以為郊

於  
廟典禮如以為有祈無報則方春而祈穀冬又有事

園丘禮謂郊之祭為大報天又云萬物本乎天大報本也  
豈得謂之有祈無報乎况二仲薦馨並崇社稷班固  
所謂為天下求福報功者具在陳祥道所謂大社國  
社農之所報在焉今

社稷壇春秋兩祀祈穀之禮已備至義近於重複事涉  
於不經者即下之禮臣亦難定議因諸臣但泥古制

多未深考是以特降此旨俾共知之

風師雨師諸星等祠

臣等謹按鄭志有風師雨師及諸星等祠我

朝定制祀

雲雨風雷之神於

天神壇以專禱水旱已見禱水旱門茲不重述

北斗五星二十八宿周天星辰之神從祀於

夕月壇已見朝日夕月門伏見雍正二年立時應宮以

祀

龍神六年立

風神廟七年立

雲神

雷神之廟報答洪庥禮制詳備而

太歲壇祭每歲之神特隆廟祀謹彙著於篇直省崇祀  
之典亦附見焉

順治元年定每歲致祭

太歲壇之禮

太歲殿在

先農壇之東北正殿七間祀

太歲之神兩廡十有一間祀

十二月將之神每年正月初旬諏吉及十二月歲除

前一日遣官致祭初春為迎歲暮為祖自後歲遇

水旱則遣官祭告祈禱有應報祀如儀

康熙三十五年二月

聖祖仁皇帝親征噶爾丹遣官致祭

太歲之神凱旋祇告如之

雍正元年建時應宮於西苑以祀

龍神每歲以六月十三日致祭用素羞香燭遣內務府  
官行禮六年七月建

風神廟於都城內東北隅禮工二部會同內務府遵

旨議奏於都城東北隅擇得景山東邊當東北箕星之位  
建廟甚宜其廟宇做時應宮規制每年於立春後

五日致祭奏上從之

詔封為應時顯佑風伯之神廟曰宣仁廟是年以河臣奏

請

勅封江南清口風神為清和宣惠風伯之神歲時致祭七

年十月建

雷神廟於都城內之西立夏後申日致祭建

雲師廟於都城內之東秋分後三日致祭其規制祭儀

俱倣宣仁廟封



雲師為順時普蔭雲師之神廟曰凝和廟

雷師為資生發育雷師之神廟曰昭顯廟十三年以撫

臣請封廣東邊海郡縣廟祀

風神為宣仁昭泰風伯之神封甘肅蘭州府廟祀

雷神為顯仁應瑞之神春秋致祭

乾隆元年十二月祭

太歲壇遣親王行禮十六年增定

太歲壇上香之儀十八年定

太歲壇供奉神牌之禮舊例祭時以黃紙書年建神牌  
祭畢與祝帛同焚至是禮部請供奉神牌於殿廡  
內神龕前列神座祭時請神牌奉安神座祭畢復  
龕恭遇

皇上親詣上香不請神主出龕從之嗣是遵行永為定  
制二十年定制祭

太歲壇遣親王郡王行禮直省府州縣各建

神祇壇祀

雲雨風雷境內

山川

城隍之神歲春秋仲月諏吉致祭在城文武各官皆與省會以總督巡撫主之若有故以布政使攝府州縣春秋致祭儀節與省會同

皇朝通志卷三十六

欽定四庫全書

皇朝通志卷三十七

禮畧

吉禮二

北郊

臣等謹按鄭志方丘一門云神州后土附其所謂神州者謂王者所卜居吉土五千里之內地名也蓋漢以後諸儒附會之說非三代之制后土則自

漢武帝立后土祠於汾陰睢上後世因之屢舉屢廢實不足為典要我

朝

列聖以來敬事

方澤與

園丘之典並重寅恭對越酌厚載而答

洪庥視前代規制超越萬萬謹載輯禮典著於篇中而鄭志之所謂神州后土者則謹從刪去云

順治元年定制每歲夏至大祀

地於北郊

方澤以

五嶽

五鎮

四海

四瀆為四從壇配享八年尊封

肇祖原皇帝

興祖直皇帝陵山為啟運山

景祖翼皇帝

顯祖宣皇帝陵山為積慶山

十六年以移啟運山停積慶山從祀

太祖高皇帝陵山為天柱山

太宗文皇帝陵山為隆業山附

四從壇配享凡祀

方澤以夏至日卯時

後定以日出前七刻與

園丘祈穀均為大祀十四年三月大祀



地于

方澤奉

太祖高皇帝

太宗文皇帝配享嗣是以告謝

親祀者一以告祭

親祀者一合祀

南郊者一惟是年為正祀

北郊之禮

康熙元年五月夏至大祀

地于

方澤

聖祖仁皇帝親詣行禮二年尊封

世祖章皇帝陵山為昌瑞山從祀

三陵山之次六年十一月大祀

地于

方澤奉

世祖章皇帝配享

雍正二年五月夏至

世宗憲皇帝大祀

地于

方澤奉

聖祖仁皇帝配享

乾隆元年五月夏至大祀

地于

方澤

皇上親詣行禮尊封

世宗憲皇帝陵山為永寧山從祀

四陵山之次二年五月夏至大祀

地于

方澤奉

世宗憲皇帝配享八年五月夏至大祀先期致齋于

齋宮定制

兩郊皆有

齋宮是歲修葺

北郊齋宮齋宿如禮九年五月夏至大祀以祈雨不乘輦  
不設鹵簿自後凡值祈雨遵以為制十四年五月  
夏至大祀詣

齋宮齋宿

詔易

皇祇室綠瓦為黃瓦并修

北郊壇宇四十四年冬至大祀

南郊奉

諭旨朕明歲即屆七旬因稍省煩勞專心裸薦定於

正位躬詣晉獻香帛爵俎以申虔敬至

配位

列祖

列宗惟上香仍前親奉其獻爵進俎則命諸皇子恭代四

十五年五月夏至恭舉

北郊大典

親承恭代一如前

南郊之禮凡

北郊大祀

皇上躬詣行禮儀節並詳

大清通禮

社稷

順治元年定制

社稷壇之禮每歲以春秋仲月上戊祭

太社

太稷之神同壇同壝

社主用石

稷主用木祭則恭設

神牌

太社位右

太稷位左均北向以



后土勾龍氏配東位西向

后稷氏配西位東向壇在

午門之右凡祀

社稷壇為大祀八年二月祭

太社

太稷

世祖章皇帝親詣行禮其秋八月值

太宗文皇帝忌辰陪祀各官行禮畢仍易素服九年秋復

值忌辰禮部以改期請弗允

康熙十六年二月

聖祖仁皇帝親祭

社稷遇雨照常行禮定制祭日如遇風雨

皇帝於拜殿內門檻南行禮從祀王公在殿外中甬路

兩旁各官在王公後行禮是日雨贊引官以請

聖祖命照常行禮遇雨在拜殿行禮之例蓋未經行云

雍正元年二月祭

太社

太稷先是康熙六十一年十一月

世宗憲皇帝登極遣官告祭

社稷至是

親詣行禮二年閏四月以平定青海告祭

社稷行獻俘禮十年三月

詔直省郡縣修

社稷壇敬謹行禮

乾隆元年二月戊辰祭

太社

太稷

皇上親詣行禮二年閏九月奉

諭旨大清律載各府州縣

社稷山川風雲雷雨諸神所在有司以時致祭所以肅  
祀典而迓休和禮至重也省會之地督撫司道駐劄  
同城向不與祭專屬府縣官行禮督撫司道等官均

有封疆守土之任自當虔奉明禋為民祈報凡春秋  
致祭督撫應率領闔屬文武大小官員敬謹行禮提  
鎮道員駐劄之地一體率屬陪祭其如何分別班次  
派員監禮及修整壇壝祭器之處該部詳議具奏奏

上通

飭行之八年七月

頒發各省

壇廟祝文二十年六月以平定準噶爾獻俘

社稷壇十月再行獻俘禮俱遣親王將事二十一年五

月增

社稷壇望瘞樂章二十四年五月禱雨於

社稷壇

皇上御製祝文步行詣

壇薦玉行禮先期奉

諭朕此次親詣

社稷壇祈求雨澤禮部所開儀注內無薦玉之禮詢其

原委則係相沿舊規並無意義可考夫玉以庇蔭嘉穀使無水旱之災載在傳記且於答陰之義更為相稱著飭所司敬謹用玉將事二十五年正月以平定回部獻俘

社稷壇如二十年之禮四十一年四月以平定金川獻俘

社稷壇如二十五年之禮自乾隆元年以來每歲春祀皆

躬詣行禮唯值

皇上巡行之歲遣官恭代秋祀恭值

皇上舉木蘭行圍之典皆遣官恭代

堂子 大內祭神

臣等謹按

太祖高皇帝建國之初有謁拜

堂子之禮凡每歲元旦及月朔國有大事則為祈為報恭

詣行禮大出入必告出征凱旋則列燼而拜典至



重也順治間建

堂于於玉河橋東祭法明備詳載典禮而

內廷度祀朝夕無間我

皇上詔以盛禮載諸典策煌煌

聖謨明示義法仰見

聖朝敬事

天神夙夜寅恭之鉅制稽諸經訓萬古合契謹考典制之

所自備載於篇

天聰九年八月

太宗文皇帝以征察哈爾奏凱師還

親謁

堂子行拜

天之禮崇德元年五月以大軍征明

親率王貝勒等謁

堂子行禮拜肅出師十二月以

親征朝鮮謁

堂子行禮次年班師以成功告七年三月以克錦州謁  
堂子行禮

順治元年四月

世祖章皇帝命王貝勒帥師平定中原謁

堂子行禮九月建

堂子于京師長安左門外玉河橋東定上香致祭謁告之

禮先是崇德元年定制每年元旦

皇帝率親王以下副都統以上及藩王等詣

堂子上香行三跪九拜禮又定每年春秋立杆致祭於

堂子親王郡王貝勒每家各祭三杆貝子鎮國公輔國公

每家各祭二杆鎮國輔國奉國將軍每家各祭一

杆無爵宗室不得祭又定每月朔親王以下貝子

以上每府委官一人前期齋戒是日詣

堂子供獻順治二年以元旦

親詣行禮與否令禮部預期題請又定每年春秋立杆致

祭

聖駕親詣行禮如儀

康熙十二年定制凡祭

堂子令漢官勿隨往惟王公滿大臣一品文武官隨往行  
禮十三年正月以遣大將軍王帥師出征

聖祖仁皇帝親詣

堂子行禮次於燾前行禮自後凡大征伐及命將出師皆  
親詣

堂子行禮

互見軍禮門

乾隆十四年五月定出征凱旋告祭

堂子之禮議政王大臣等奉

諭旨

堂子之祭乃我朝先代循用通禮所祭之神即

天神也

列祖膺圖御宇既稽古

郊禋而燔柴典重舉必以時

堂子則舊俗相承遇大事及春秋季月上旬必祭

天祈報歲首先展禮定鼎以來恪遵罔怠且不易其名  
重舊制也考諸經訓祭天有郊有類有祈穀祈年禮  
本不一兵戎國之大事故命遣大將必先有事於

堂子正類祭遺意而列燹行禮則禡也我

祖宗於行營中或別有征討不及歸告

堂子則望祭而列燹行事其誠敬如此朕思出師告遣則  
凱旋即當告至乃

天

地

宗

社俱已祝冊致虔且受成太學而

堂子則弗之及祠官疎畧如

神貺何祀典攸闕彛章宜備著議政王大臣詳議具奏朕  
親為裁定王大臣等遵

旨議上大兵凱旋

皇帝告祭



堂子之禮請載入會典從之自後

命將出征及凱旋皆致祭

堂子如儀十九年奉

諭王公等建立神杆應按爵秩設立整齊以肅觀瞻嗣後著每翼作為六行每行六分以未分封皇子等列於前其次則親王貝勒貝子公等分為六層設立神杆皇子內已受封爵者其神杆視所封爵立於應立之處所有石座不必移動神杆各按爵秩更換每年

修整一次著禮部會內務府總管察看繪圖進呈著  
為例

大內祭

神之禮順治元年定奉晨祀

神位於祭

神殿西位東向日昧與行禮奉夕祀

神位於西北南向申刻行禮

皇帝恭祭

壇

廟齋戒日忌辰清明禁屠日不祭餘日皆祭每歲四孟月

均用馬牛金幣祇薦於

神贊祀致辭如儀

山川

順治元年定崇祀

嶽鎮海瀆及直省有司春秋致祭之禮凡山川之祀監

於前典以

五嶽

五鎮

四海

四瀆配享

方澤壇立

地祇壇以

五嶽

五鎮

四陵山

今為五陵山

四海

四瀆之祇為正位以

京畿名山大川

天下名山大川之祇為從位凡

嶽鎮海瀆所在地方有司歲以春秋仲月諏日致祭祭

東嶽泰山於山東泰安州今升為府祭西嶽華山於陝

西華陰縣祭中嶽嵩山於河南登封縣祭南嶽衡

山於湖廣衡山縣祭北嶽恒山於直隸曲陽縣

移祭

見後祭東鎮沂山於山東青州府祭西鎮吳山於陝

西隴州祭中鎮霍山於山西霍州祭南鎮會稽山

於浙江會稽縣祭北鎮暨巫閭山於遼東廣寧衛

今改為縣祭東海於山東萊州府望祭西海於山西蒲

州今升為府祭南海於廣東廣州府望祭北海於河南

濟源縣移祭見後祭河瀆於蒲州祭江瀆於四川成都

府祭淮瀆於河南唐縣祭濟瀆於濟源縣三年封

黃河龍神為顯佑通濟金龍四大王之神封

運河龍神為延麻顯應分水龍王之神令河臣致祭

八年正月

世祖章皇帝親政遣官致祭

嶽鎮海瀆定制恭遇

慶賀大典頒布

恩詔則遣官致祭以各衙門四品以上堂官將事諏吉

將行先期陳祝文香帛於

中和殿

皇帝親閱遣之十七年三月改祀

北嶽恒山於山西渾源州

康熙六年七月

聖祖仁皇帝親政遣官致祭

嶽鎮海瀆十六年九月加封

長白山之神照五嶽例春秋致祭遇有

慶典亦一例於烏喇地方望祭十八年五月以湖南討



賊屢捷咸言湖神助順加封

洞庭湖之神遣官致祭二十一年二月以平定雲南

遣官致祭

嶽鎮海瀆

長白山三月

聖祖東巡

盛京望秩

長白山二十三年

聖祖東巡十月

躬祀

泰山之神遣官祭

黃河之神十一月遣官致祭

嶽鎮海瀆

長白山自是以後凡恭遇

東巡

南巡所過名山大川均照例致祭二十五年移

北海祀典於混同江望祭臺臣奏言祀典所載致祭北海尚沿宋明舊制於河南濟源縣係在京之南於義未合况北嶽已改祀渾源州則北海應請改祀於混同江庶方位允協下部議行之二十七年十月以

孝莊文皇后升祔

太廟遣官致祭

嶽鎮海瀆

長白山三十二年二月遣

皇長子祭

西嶽華山三十五年建

海神廟於大沽海口加封致祭時由天津海道運米  
盛京以備賑濟海神效靈往來迅駛立廟祀之三月  
親征噶爾丹致祭所過

山川之神三十六年七月以平定朔漠遣官告祭  
嶽鎮海瀆

長白山三十七年七月以永定河新河告竣建

永定河神廟於盧溝橋春秋致祭九月

聖祖東巡遣大學士致祭

松花江之神三十九年六月以河臣疏請建

海神廟於江南安東縣四十年正月加

黃河龍神封號昭靈效順四字四十二年三月

聖祖仁皇帝五十萬壽遣官致祭

嶽鎮海瀆

長白山十一月

聖祖西巡遣官致祭

西嶽華山四十三年二月封

淮神為長源佑順大淮之神五十二年三月

聖祖仁皇帝六十萬壽遣官致祭山川與四十二年同五

十七年十二月以

孝惠章皇后升祔

太廟遣官致祭

嶽鎮海瀆

長白山六十年三月以

御極六十年大慶遣官致祭山川六十一年建

江海潮神廟於浙江之尖山春秋致祭是年十一月

世宗憲皇帝登極遣官致祭

嶽鎮海瀆

長白山

雍正元年二月以恭上

聖祖仁皇帝尊謚遣官致祭十二月以

冊立

皇后遣官致祭二年八月加

江海大神封號江瀆曰涵和河瀆曰潤毓淮瀆曰通佑

濟瀆曰永惠東海曰顯仁南海曰昭明西海曰正

恒北海曰崇禮均遣官齋送祭文香帛令地方大

員致祭四年冬督撫諸臣次第奏報黃河澄清地

連四省時逾二旬諸王大臣請陞殿受賀



世宗不許特遣官分詣清河武陟二處新建神廟致祭

黃河之神十二月遣官致祭

河源之神於河州口外七年建

江神廟於湖北武昌春秋致祭八月建

海神廟於浙江海寧縣加封為寧民顯佑浙海之神

以英衛公伍負誠應武肅王錢鏐配享其他諸神

祀於配殿八年四月建

河源神廟於甘肅河州加封為開津廣濟佑國庇民

昭應河源之神十二月封直隸

滹沱河神為長源永濟滹沱河神九年建

永定河神惠濟廟于石景山十年閏五月建望祭

長白山享殿于溫德亨山

今名望祭山

七月以高堰山盱石

工告成建

洪澤湖神廟於高家堰春秋致祭十三年九月

皇上登極遣官告祭

嶽鎮海瀆

長白山十一月以恭上

世宗憲皇帝尊諡遣官致祭

乾隆元年八月奉

特諭致祭

河神

海神

永定河神二年四月以恭奉

世宗憲皇帝配享

南郊遣官致祭

嶽鎮海瀆

長白山三年立

海神廟於江南寶山縣祀典視浙江海寧八年八月

皇上東巡

盛京遣官致祭

北鎮廟

長白山十三年二月

皇上東巡

躬祀

泰山之神增用中和韶樂遣官致祭

嶽鎮海瀆

長白山十四年四月以平定金川恭上

皇太后徽號遣官致祭山川如二年之禮十五年十月

皇上巡幸中州詣

嵩嶽廟拈香越日致祭如岱廟之禮十六年

皇上南巡遣官致祭所過

名山大川之神凡巡狩所至禮祀所過山川是年於山東祭東嶽泰山之神至江南祀宿遷縣

龍神廟清河縣

河瀆之神

淮瀆之神江都縣

江瀆之神皆遣官致祭

親祭清河龍神廟至浙遣官祭

海神廟

南鎮會稽山凡往返渡河渡江致祭之處皆

親詣拈香行禮又

詣清口

風神廟

惠濟祠拈香至泰安

詣

岱廟拈香自後二十年二十七年三十年四十五年四

十九年

皇上六舉南巡之典所過山川之神或

親詣致祭或遣官致祭並如十六年之禮是年六月加

封

永定河神為安流廣惠之神遣官致祭十二月以

皇太后六旬萬壽恭上

徽號遣官致祭山川十九年八月

皇上東巡



盛京望祭

長白山渡松花江祭

江神九月祭

北鎮廟皆

親詣行禮自後四十三年四十八年

皇上四巡

盛京所過山川致祭或

親詣或遣官禮節並同二十年六月以平定伊犁恭上

皇太后徽號遣官致祭山川是歲以遣大兵西征致祭所  
過山川之神凡四曰阿勒坦山曰珠爾庫柱山曰  
博克達山曰阿拉克山皆以

詔旨讀文致祭二十二年

皇上南巡三月建

海神廟於杭州之觀潮樓

敕封為平潮利涉浙海之神四月建

河神廟於徐州銅山縣加封為顯佑通濟昭靈效順

廣利安民金龍四大王之神二十四年以蕩平回  
部遣官致祭

嶽鎮海瀆

長白山二十五年釐定西域新疆

山川諸神每歲春秋秩於祀典二十六年十二月以  
皇太后七旬萬壽恭上

嶽號致祭

嶽鎮海瀆

長白山三十五年八月

皇上六旬萬壽遣官致祭山川如禮三十六年十二月

以

皇太后八旬萬壽恭上

徽號遣官致祭山川如二十六年之禮四十一年四月以  
金川蕩平恭上

皇太后徽號遣官致祭山川如二十四年之禮四十三年

八月

皇上東巡

敕建

北海神廟並

敕建

渾河神廟

遼河神廟四十五年八月

皇上七旬萬壽遣官致祭山川如三十五年之禮四十

八年五月

命侍衛阿彌達往青海祭

河源之神八月

皇上東巡入關

詣

北海神廟瞻禮五十年正月

皇上御極五十年大慶遣官致祭

嶽鎮海瀆

長白山凡直省所在山川有

敕賜封號設立專祠者守土官咸以時致祭如禮

耜田

順治十年三月

詔舉行

先農祀典十一年二月

世祖章皇帝行耜禮

親祭

先農壇壇在正陽門外西南定制歲以仲春亥日

皇帝親饗

先農之神祭畢乃

躬耕藉田及秋玉粒告成所司以

聞擇吉收貯

神倉以供

天

地

宗廟



社稷之粢盛

康熙十一年二月

聖祖仁皇帝行耕耤禮祭

先農壇禮儀與順治十一年同前期遣官祇告

奉先殿

雍正二年二月

世宗憲皇帝行耕耤禮祭

先農壇禮儀與康熙十一年同三推畢復加一推

頒發新製三十六禾詞使工歌左右隨行禮畢王以下行  
慶賀禮停止筵宴自是每歲

親耕如儀是年耜田內產瑞穀一莖四穗者三本一莖三  
穗者三本一莖兩穗者十二本順天府尹張令璜  
奏進羣臣請宣付史館從之四年所產尤多有至  
一莖九穗者

豐澤園所植稻亦然羣臣表賀宣付史館蓋瑞應頻  
徵不勝紀云四年八月

命各直省督撫及府州縣衛官俱行耕藉禮祭

先農壇自雍正五年為始每歲仲春亥日各率所屬行  
禮如儀所收米粟敬謹收貯以供祭祀之粢盛七  
年以耕藉於

太歲殿上香

乾隆三年三月

皇上行耕藉禮

親祭

先農壇前期三日

幸豐澤園演耕至日

躬詣耜田行三推禮畢復加一推禮畢

上御齋宮王以下行慶賀禮五年三月以閏歲春寒遣

官致祭

先農壇八年二月

詔遣官致祭

先農壇用中和韶樂舊制惟

親祭用中和韶樂遣官則同小祀之例是年

特諭用樂永著為例十九年三月重修

先農壇外墻隙地多植松栢榆槐交太常寺飭壇戶敬

謹守護二十三年二月

詔除耕藉設棚懸綵之例三十七年二月將行耕藉臣

工以

聖壽六旬以上請遣官恭代不許奉

諭是歲耕藉但依典制三推弗行加一之禮五十年三

月

皇上躬行耕藉禮十月奉

諭朕臨御以來兢兢以敬

天勤民為念

郊壇大祀無不躬親即藉田親耕亦從未嘗稍憚煩勞本年壽已七十有五猶親舉三推之典至本年甫經親行耕藉明歲應否躬蒞自應候朕酌行嗣後我子孫繼承奕禩惟當不懈益勤凡遇親耕典禮若年在六

十以內禮部自應照例具題年年躬行耕藉之禮若  
年逾六十令禮部先期以親蒞或遣官之處具本題請  
庶鉅典不尚虛文而展禮益昭誠恪著為令凡耕藉

祭

先農壇遇遣官恭代之歲順天府府尹率屬耕藉如禮  
先蠶

乾隆元年建

先蠶祠於都城北郊以季春吉巳遣太常寺堂官以太

宰致祭七年建

先蠶壇於西苑定

皇后親蠶祀

先蠶之禮是年七月大學士等奏言古者天子親耕南郊以共粢盛后親蠶北郊以共祭服我

皇上親耕藉田以示重農至意乾隆元年議建先蠶祠宇所以經理農桑之道至為周備今又

命議親蠶典禮伏思躬桑親蠶歷代遵行但北郊蠶壇



向在安定門外前明嘉靖時以后妃出入道遠親  
莅未便且其地水源不通無浴蠶所遺址久經罷  
廢伏讀

聖祖仁皇帝御製耕織圖序云於豐澤園之北治田數畦  
環以溪水隴畔樹桑旁立蠶舍是育蠶之事

聖祖仁皇帝親加講求今逢重熙累洽禮明樂備之時親  
蠶大典自應遵

旨舉行請建

先蠶壇於西苑至親蠶典禮所應行齋祀躬桑投蠶治  
繭等儀注及選擇蠶母蠶婦受桑布繅一切禮文  
事宜應交禮部詳議請

旨從之尋議建

先蠶壇在西苑東北壇東南為

先蠶神殿前為桑園浴蠶河在宮墻之東禮部議上儀

注

皇后親蠶之年豫日設立

先蠶西陵氏神位於蠶壇之上前二日

皇后於正殿致齋至日以一太牢

親祀行三獻禮翼日

皇后詣桑壇行

躬桑禮蠶事畢蠶母率蠶婦擇繭之圓潔者貯筐恭獻  
以告蠶事之登擇吉

皇后復詣蠶壇親臨織室行繅三盆手禮遂布于蠶婦  
之吉者使繅而朱綠玄黃之以供

郊廟黼黻之用從之九年三月

皇后親饗

先蠶壇翼日行

躬桑之禮十一年二月定致祭

先蠶遣

妃恭代之禮十四年二月奉

諭旨

先蠶祭期禮部奏請照例遣妃恭代此於禮意未協夫

妃所恭代者代皇后也有皇后則妃可承命行事皇  
貴妃未經正位中宮則親蠶之禮尚不當舉行何得  
遣妃恭代應照皇帝不親行耕藉順天府尹致祭

先農之例於內務府總管或禮部太常寺堂官奉宸苑  
卿內酌派一人致祭足以明等威而昭儀制於是禮  
部遵行並載入會典惟

皇后冊立乃復舉

親饗

先蠶及

躬桑之禮



皇朝通志卷三十七